

【師子頻申——師子頻申三昧】大經科注第335頁倒數第4行  
《佛學大辭典》第92集

（術語）與師子奮迅三昧同。

師子奮迅——（譬喻）師子奮起時，身毛皆豎，其勢  
迅速勇猛，以譬佛之威猛。

【師子奮迅三昧】師子奮迅時，開張諸根，身毛皆豎，現  
威怒哮吼之相。佛入此三昧。則奮大悲法界之身，開大悲  
之根門，現應機之威，使外道二乘之小獸懾伏，故名為師  
子奮迅三昧。探玄記十八曰：「從喻為名。謂如師子奮迅  
之時。諸根開張。身毛皆豎。現其威怒哮吼之相。令餘獸  
類失威竄伏。令師子兒增其雄猛。身得長大。今佛亦爾。  
一奮大悲法界之身。二開大悲之根門。三豎悲毛之先導。  
四現應機之威。吼法界之法門。令二乘諸獸藏竄聾盲。菩  
薩佛子增長百千諸三昧海及陀羅尼海，如是相似故以為  
喻。」